

Pronostication generale /du ciecle Soleire qui se fait en XXVIII-ans, &/ dure  
perpetuellemêt, extraicte & corrigée de/ plusieurs Antiens Philososophes & de toutes/  
langues : laquelle est fort necessaire & vtile à / toutes perfonnes pour pouruoir à eux ce  
quii/ leur est necessaire, & en toutes sortes d'estat : / enuoyée à Messieurs de la iustice de  
Lyon, de/diée à Monsieur de la Mante, par M. Crespin / Archidamus, seigneur  
d'Auteuille Docteur,/ Médecin, Conseiller ordinaire & Astrologue/ du Roy, & du  
prince Dauphin, & de l'Admi-/ral de ce Royaume. Il est adioinct dedans/ pour connoistre  
par le Soleil, ce qu'il doit venir les Jours suyants./

A LYON,/ PAR IEAN PATRASSON./ Auec Priuilegt general du Roy./ 1576.

106 x 167 mm 4opp. CF. B.N. : V 21366

BENAZRA Pag.113 / CHOMARAT 133



# Pronostication generale

du ciecle Soleire qui se faict en xxviii.ans, & dure perpetuellemēt, extraicte & corrigée de plusieurs Antiens Philosophes & de toutes langues: laquelle est fort necessaire & vile à toutes personnes pour pouruoir à eux ce quil leur est necessaire, & en toutes sortes d'estat: enuoyée à Messieurs de la iustice de Lyon, dédiée à Monsieur de la Mante, par M. Cres. in Archidamus, seigneur d'Auteuille Docteur, Medecin, Conseiller ordinaire & Astrologue du Roy, & du Prince Dauphin, & de l'Admiral de ce Royaume. Il est adioinct dedans pour connoistre par le Soleil, ce qu'il doit venir les iours suyuant.



À LYON,  
PAR JEAN PATRASSON.

Avec Privilège general du Roy.

1570

VIII.



A Monsieur de la Mante,

Cheualier de l'Ordre du Roy, & Gouverneur pour sa Magesté de la Citadelle de Lyon, par Archidamus, Astrologue du Roy de France & de Pologne,

Salut.

*Seigneur exquis, ton extresme grandeur,  
D'esprit & sens, & charges autentiques,  
M'ont faiët penser que tu es amateur,  
Du haut sçauoir des faits Astronomiques.*

*Quant à cecy, sont choses Magnifiques  
Qu'à toy i'adresse, & donne à ta hauteur:  
Reçoyle donc, car les choses publiques  
Souuent te sont dediez de bon cœur.*





*Bref discours pour entendre le contenu  
en ceste presente Pronostication per-  
petuelle, appelée Cicle S. leire.*




**C**ICLE SOLEIRE Qui se  
fait de vingthuit ans,  
commençant & finissant tousiours en les  
mesmes années perpetuellement en la  
figure misé cy après en ce petit liure,  
par laquelle est enseignée la premiere  
lettre du nom de l'année qui est en regne seruir de lettre do-  
minicale, comme pour exemple en l'année 1574 la 15 an-  
née du cièle soleire appelée Syné à son cours, & partant  
la lettre dominicale est C, & gouvernée par Venus, & en  
l'an 1575 ha eu son cours la 16 année appelée Verga, gou-  
uernée par la planette Saturne & lettre dominicale B, &c  
aussi des autres années suiuentes. Et quād lon sera à la fin  
des 28 années faudra recommencer à la premiere nom-  
mée Argent & ainsi poursuiure comme dict est. Dauanta-  
ge on pourra aussi connoître l'année en laquelle il y au-  
ra bissexté, qui sera alors que le nom de l'année, cōme la  
17 année du cicle Soleire sera bissexté qu'on verra deux  
lettres, qui sont G, A. Il y aura adonc toutes lesdites an-  
nées que lon y verra deux lettres, bissexté. Et aussi il est à  
noter que le commencement de chacune année dudit cie-  
cle Soleire se cōmence la ou lon commence le Printemps  
qui est enuiron le 12 du mois de Mars, pourquoy les diffi-  
cultez qui se pourroient presenter sont aplemment decla-

résence que dessus. Il est nécessaire de commencer à la première année que regnoit l'année qui estoit l'an 1560, que la Lune alors estant dominatrice de ladite année qui estoit la première année du cycle Soleil, combien que l'aye mis en la première maison l'an 1574.

Et après suivant par ordre les presages des vingthuit années du cycle Soleil on verra chose que plusieurs en feront leur profit.

Figure pour connoistre la Roüe des vingthuit mansions du Cycle Soleil.



**Pronostique, ou Déclaration, pour connoi-  
stre, ou pronostiquer par les signes du  
Soleil & de la Lune des tēpelles, pluyes,  
orages, ou autre temps: utile & prouita-  
ble à tous Laboueurs, Mariniers, & au-  
tres, par M. A. Crespin Archidamus, sei-  
gneur d'Auteville, conseiller & Astrolo-  
gue du Roy Empereur de France, & de  
Pologne, & de monsieur l'Admiral  
de ce Royaume.**

*Il aduient souuent d'auoir en la Mer tempestes  
de vents, & de pluies, qui sont cause de grands  
tourments: & dequoy aduient souuent aux  
Mariniers mort, ou perdition de Nauires,  
& autres grands perils: parquoy i'ay declaré  
icy des signes selon que nous auons veu par  
les mouuements agiles du firmament.*

**Signes par le Soleil.**

Si le Soleil est beau & net, sans estre feruent lors qu'il  
se leue, signifie vn iour beau & serain: & si se monstre ia-  
no signifie pluye avec gresle: & si ledit Soleil semble estre  
creux quand il se leue signifie pluye & vents.

Et si au leuer dudit Soleil lon void deuant luy quelques  
nuées vermeilles, & que aucune desdites nuées s'espē-  
dent vers le Nord, & vers le Midy, signifie vents & gran-  
des pluyes.

S'il semble que le Soleil cueille ses rais quand il se lève  
ou se couche signifie pluye.

Si on void quelque nuée ronde par dessus le Soleil a-  
nant qu'il se lève, signifie grand froid; cela s'entend quand  
elles se retirent vers Midy après que le Soleil est sorti,  
mais si elle se retire deuers le Soleil couchant, signifie  
beau temps.

Si quelques nuées environnent le Soleil; d'autant qu'ils  
ne luy laisseront moins de lumière & de clarté, signifie grand  
tempeste, & plus grande sera si la rondeur semble estre  
double.

Si on void des nuées vermeilles couchées sus le Soleil  
quand il se lève signifie que le vent ventera à l'endroit ou  
elles sont couchées, mais si le vent tient du Midy signifie  
pluye.

Et quand le Soleil se lève s'il est environné de nuées  
croyez qu'il ventera du coste où la rondeur sera descou-  
uerte, & si se descouvre du tout également, c'est signe de  
beau temps.

Si le Soleil iecte ses rais bien loing parmi l'air & à tra-  
uers les nuées quand il se lève, & qu'il semble au d'quel-  
que peu de vuide au milieu du Soleil signifie pluye.

Si les rais du Soleil se monstrent avant qu'il sorte si-  
gnifie eau & vents.

Si au coucher du Soleil son circuit se monstre blanc  
signifie tempestes pour la nuit, & s'il fait bien chaud il  
ventera.

Si la rondeur du Soleil apparoit noire ou trouble quand  
il se couche il fera grand vent de l'endroit où il se descou-  
urira le plus.

### Enseignemens pour la Lune.

Puis que nous auons déclaré le signe pour connoistre  
les tempestes par le Soleil, nous dirons & vous annonçe-  
rons

rons les presages & choses qui auendront selon les signes de la Lune, ceux d'Egypte, & d'Arabie, & les Grecs, & les Hebreux, & Caldées obseruoient grandement le 4. iour de la Lune, que si elle se trouue resplendissante avec vne belle clairté, & autres choses cy dessous nommées demontre beau temps.

Si elle est rouge signifie vents, & si elle est noire signifie pluye.

Si le cinquieme iour les cornes de la Lune ne sont agues & deliées mais grosses mouces, & rebouchées, cela signifie pluye.

Si la Lune est droite & renuersee contremont signifie grands vents, tant plus s'il auient au quatrieme iour.

Si la Lune de 4. iours est rouge signifie grands vents.

Nous trouuons que si le 4. iour de la Lune elle se tient droite signifie tempeste en la Mer, sauf si elle ha autour d'elle vn cercle bien net.

Si au plein de la Lune elle se trouue nette au milieu signifie beau temps, & si elle est rouge comme vne rose signifie vents, & si elle est noire annonce les pluyes.

Quand la Lune est nouvelle si elle se leue ayant sa corne dessus come noire alentour il pleura au dernier quartier, & si la corne d'en bas est aussi noire alentour demontre qu'il pleura auant la pleine Lune.

Si la pleine Lune ha vn cercle autour d'elle, elle demontre vent de la partie ou elle sera plus resplendissante.

Si la Lune demontre ses cornes grosses en sa naissance, assauoir quand elle est nouvelle, signifie tempeste, & si sera tant plus grande si le vent Fauonius ne souffle deuant le quatrieme iour.

Si le sixieme iour de la Lune elle ha grand couleur de flamme signifie tempeste: & voila la signification de la Lune.

Decla

S'il semble que le Soleil cueille les rais quand il se leue  
ou se couche signifie pluye.

Si lon void quelque nuée ronde par dessus le Soleil a-  
nant qu'il se leue, signifie grand froid, cela s'entend quād  
elles se retirent vers Midy après que le Soleil est sorty,  
mais si elle se retire deuers le Soleil couchant, signifie  
beau temps.

Si quelques nuées environnent le Soleil; d'autant qu'ils  
ne luy laisseront moins de lumière & clarté, signifie grand  
tempeste, & plus grande sera si la rondeur semble estre  
doublé.

Si on void des nuées vermeilles couchées sus le Soleil  
quand il se leue signifie que le vent ventera à l'endroit ou  
elles sont couchées, mais si le vent tient du Midy signifie  
pluye.

Et quand le Soleil se leue s'il est environné de nuées  
croyez qu'il ventera du coste où la rondeur sera descou-  
uerte, & si se descouure du tout également, c'est signe de  
beau temps.

Si le Soleil iecte ses rais bien loing parmi l'air & à tra-  
uers les nues quand il se leue, & qu'il semble audir quel-  
que pes de vuide au milieu du Soleil signifie pluye.

Si les rais du Soleil se montrent avant qu'il sorte si-  
gnifie caue & vents.

Si au coucher du Soleil, son circuit se montre blanc  
signifie tempestes pour la nuict, & s'il fait bien chaud il  
ventera.

Si la rondeur du Soleil apparoit noire ou trouble quand  
il se couche il fera grand vent de l'endroit où il se descou-  
urira le plus.

### Enseignements pour la Lune.

Puis que nous auons déclaré le signe pour connoistre  
les tempestes par le Soleil, nous dirons & vous annonçe-  
rons

rons les presages & choses qui auient selon les signes de la Lune, ceux d'Egypte, & d'Arabie, & les Grecs, & les Hebreux, & Caldées obseruoient grandement le 4. iour de la Lune, que si elle se trouue resplendissante avec vne belle clarté, & autres choses cy dessous nommées demontre beau temps.

Si elle est rouge signifie vents, & si elle est noire signifie pluye.

Si le cinquiesme iour les cornes de la Lune ne sont aigües & deliées mais grosses mouces, & rebouchées, cela signifie pluye.

Si la Lune est droite & renuersée contremont signifie grands vents, tant plus s'il auient au quatriesme iour.

Si la Lune de 4. iours est rouge signifie grands vents.

Nous trouuons que si le 4. iour de la Lune elle se tient droite signifie tempeste en la Mer, sauf si elle ha autour d'elle vn cercle bien net.

Si au plein de la Lune elle se trouue nette au milieu signifie beau temps, & si elle est rouge comme vne rose signifie vents, & si elle est noire annonce les pluyes.

Quand la Lune est nouvelle si elle se leue ayant sa corne dessus cōme noire alentour il pleura au dernier quartier, & si la corne d'en bas est aussi noire alentour demontre qu'il pleura auant la pleine Lune.

Si la pleine Lune ha vn cercle autour d'elle, elle demontre vent de la partie ou elle sera plus resplendissante.

Si la Lune demontre ses cornes grosses en sa naissance, assauoit quand elle est nouvelle, signifie tempeste, & si sera tant plus grande si le vent Fauonius ne souffle deuant le quatriesme iour.

Si le sixiesme iour de la Lune elle ha grand couleur de flamme signifie tempeste: & voila la signification de la Lune.

Decla

*Declaration de l'année en laquelle Argent  
 fait son cours, qui est le nom de la pre-  
 miere année du Cicle Solire,  
 gouvernée par la planette  
 de la Lune dictte  
 Argent.*

**L** A N N E E que Argent fait son cours le Prin-  
 ceps est allez proufitable à vne partie des biens  
 terriés, & ont toutes herbes & les vignes beau-  
 cōmencement estant le temps bien doux, sec,  
 & commode, principalement au moys de May & au cō-  
 nencement de l'Esté, lequel sera bien chaut, avec quel-  
 ques pluyes sus la fin, & grandement proufitable à tous  
 biens. L'Autonne sera froid & humide, il fera mauuais sus  
 la Mer pour pescher, l'Hyuer sera moyte avec grâdes nei-  
 ges, en ceste année sera abondance de tous biens terriés,  
 le bled sera au plus bas pris tant que le Printemps durera:  
 qui aura du bled fera son proufit à le garder iusques à ce  
 qu'on verra le pris des autres nouueaux: auoyne sera biē:  
 marchâde, & encherira depuis le Printemps iusques aux  
 nouuelles. Au commencement de l'Esté fera bon acheter  
 de vins, de Grece, Prouence, Gascongne, Bourgongne, la  
 Rochelle, Aniou, & Sanxerre, & Orleans & de tous vins:  
 qu'ils pourront garder leurs forces & se deffendre contre  
 la chaleur, car au commencement de l'Esté ils seront fort  
 de requeste iusques à ce qu'on perceiue le raport des vins  
 de ceste année, & lors ils absteront de pris, les vieux se-  
 ront fort proufitables à garder. Au commencement de ce-  
 ste année il fera bon acheter du sel, car il se viendra à en-  
 cherir sus la fin: la draperie & toute marchandise de lai-  
 ne serant à haut pris, & toutesfoys bien requise tout au  
 long

long de l'année. Boys, cherbon, & cherbō de pierre, serōt fort proufitables à acheter au commencement de l'Esté, car en l'hyuer ils viendront à grande cherté. Marchandise de cuirs portera acquest à ceux qui en auront, & les fera bon garder jusques à l'hyuer: les foins seront assez proufitables car le regain, & quasi tous tremoys, auront mauuaise saison pour la moyreur du temps. Toute couleur cōme graine, bresil, yuarenches, & vuaides se vendront fort bien, & auront bonne requeste des marchans: les vuaides les premières labourées seront tresbonnes & auront bonne teinture, & sera bon acheter celles qui seront cueillies les premières, car l'argēt y sera bien employé. Il sera grād planté des moyennes & des tierces, mais ils seront tresmauuaises & ne pourront atteindre les premières de bonne teinture: en ceste année la fin de l'Esté sera moyte & peu stable en beauté, les blez serōt assez plantoureux mais ils ne seront pas proufitables à garder, car ils se meselleront tous blez abesseront en la fin de ceste année. la vendenge sera plantureuse par raison, mais il y aura beaucoup de petits vins en France, & auront mauuaise requeste, & porteront dommage à qui en achetera, les vins sus nommez seront chers & bien requis, car ils seront plus torts, & feront proufit à qui y employera son argent. Les vins blans de Poitou feront encores plus de proufit, & les vins de saint Jehan qu'on achetera en vendenges, porteront bon acquest, & plus grand qui les pourra mener en la coste de Flandres, ou en Normandie. Il sera assez de fruits en plusieurs païs dont il en sera de mieux à beaucoup de gens. Harenes seront bon proufit, mais il sera mauuais hanter la Mer après la Toussaints: il y en aura assez encores qu'ils ne soyent bons ne de garde. tout bestial sera fort cousteux à tenir l'Hyuer, par ce que tout fourrage sera bien cher.

B

*C'est la seconde année du Ciel Soleil  
gouvernée par la planete de Mer-  
cure dicté Rigil.*



**V** A N D Rigil fait son cours le Printemps est sec & bien assainne en toutes manieres, l'Esté ne sera point sec, mais bien moyté & pluuictix, & seront les terres bien attrempeés. l'Autonne sera bien proufitable en plusieurs choses, à son commencement iusques à ce que le Soleil soit entré en l'Escorpion enuiron la fin de Septembre, mais puis après il sera moyté & fort greueux iusques à la fin, & y aura de grandes tempestes sus la Mer. En ceste année sera l'Hyuer long, & y aura des grandes gelées & neiges, & sus la fin de l'Hyuer il de glera tout acoup, qui causera de grandes inondations d'eues d'ouces lesquelles rompront plusieurs Estangs, & seront de grans donniages tant aux biens de la terre qu'à autres choses qui serot en pais, & en ceste année sera mauuais acheter blé pour garder longuement, car tous grains r'abesseront pour cause de l'Esté qui sera moyté comme dict est. il y en aura en quelques endroits qui se meselleront pour la chaleur de l'Esté, parquoy il tombera à bon marché. Les vins seront chers, & toutesfois y en aura assez. Les vins de saint Iehan, & de Grece, Prouence, Gascongne, Bourgongne, la Rochelle, Anjou, Sauxerre & Orleans, seront les meilleurs & les plus requis qui aura vins les vende d'heure, car tous vins abesseront en Esté pour la belle venue des autres. Il ne se'tz point d'aucun de sel pour la moyteur de l'Esté, & sera cher & bien requis & ne sera bon s'en charger, car il portera peu d'acquest. Il se fera bon garnir de toin, fourages, de boys & d'herbon, ils serot bien chers sus la fin de l'Hyuer, & sera bon ce faire au commencement de l'Esté. Il ne sera point bon en Esté hanter la marchandise des laines,  
encores

encores qu'elle soit bien requise de tous marchans, car après elles abesseront de pris & aurôt mauuaise requeste, par ce qu'en Autonne toute sorte de draperie sera à bon marche. En ceste Esté la marchandise de cuirs sera bien recueillie & fera bon la védre à ceste heure la. Tous ceux qui feront Vuaides ceste année feront bien leur proufit, car on les vendra fort bien, toutesfoys ils ne feront point telles qu'ils auront bonne requeste: & ceux qui les acheteront feront mauuaise emplette: la premiere cueillie sera la mieux requise & se vendra bien chèrement, & pour ce feront les marchans mauuaise emplette, d'autant que les moyennes seront meilleures que les premieres, & les tierces meilleures de toutes, & tomberont après à plus basse vente. En l'Esté feront tous fourrages bien requis. L'Aoult sera beau, & feront les blez bien rendâs à gerbes, & tous autres grains de ceste saison. Qui aura du blé à vendre qu'il le vende en Autonne & en Hyuer, ceux qui l'acheteront pour le garder feront folie, car en la fin de ceste année abesseront tous grains. En ceste année y aura copétiâment de fruits qui seruiront de grande douceur au pauvre peuple, vendenges seront assez bonnes en tous païs, & porteront les vins de France & de Beauuoisin très bon acquêt à ceux qui les acheteront au commencement des vendenges car ce sera celuy qu'on boyra le plus volontiers, lesdits vins d'Auxerre seront bons & bien garnis de vin, mais il s'en fera mauuais charger en vendenges car ils abesseront aux ieurs de pris iusques à la fin de l'année. tous marchans qui achetaiôt vins de Poitou en vendeges feront mal leur proufit, car ils y aurent peu d'acquêt auant qu'ils en soient deliutez. Harenguelon ne sera bonne ceste année car peu se prendra de harenc en bonne saison, & si sera la Mer fort perilleuse, principalement au moys de Septembre, & fera bon regarder comment on mettra son corps & biens sus la Mer, pour les dangers & perils

qui y seront. Dieu nous garde de guerre ceste année & de  
seditions cõte les Princes. Il mourra de grans seigneurs.  
Le bestial sera de peu de vete & mal requis pour cause des  
fourages qui defaudent, & seront fort chers.

*La troisieme année du Ciele Soleire  
gouvernée par la planete de lu-  
piter dicté Ciel.*



**L**ORS de la troisieme année du ciele Solei  
re le Printemps est froid & venteux, & fort  
dommageable à beaucoup de choses, l'Auton  
ne sera moyte & greueux, & ne seront les fro  
ments de fort belle venue, l'Hyuer sera long facheux, &  
mal proufitable à plusieurs choses. Au commencement  
de ceste année sera le blé cher & bien requis, tous tremois  
se vendrõt bien en plusieurs pais, mais tost après les blez  
abesseront, & tous grains seront à pris raisonnable. Au cõ  
mencement de l'Esté les vendenges seront bonnes, & les  
vins qu'on boyra seront chers, mais ils abesseront par la  
bonne preue de ceux qui seront à recueillir. Les salutes  
seront bonnes, & portera l'emplette du sel grãd acquest.  
Le foin & fourages seront chers au cõmencemēt de ceste  
année. Marchandise de laine sera bien requise, qui aura  
laine si la vende en Esté, & il fera son proufit car elle abes  
sera en Hyuer, & aura mauuaise requeste. Marchans fe  
ront bien d'acheter cuirs car ils serõt chers & bien requis  
en Hyuer. En ceste année fera bon regarder à qui on pres  
tera argent, car il sera beaucoup de mauuais paieurs. Il y  
aura guerre en aucuns pais entre les Princes Chrestiens.  
Les Vuaides qu'on labourera ceste année porteront peu  
d'acquest à ceux qui les serõt labourer: tous marchãs qui  
en acheteront y feront tresbonne emplette, car ils seront  
bons, & si l'on en aura bon marché, encores qu'il n'y en

aye point beaucoup. Il y aura assez de foins ceste année, & routes sortes de tremuys, aussi sera grand foison de fruits. l'Esté sera proufitable à tous grains, & seront vrayz bons & bien proufitables, & y en aura assez competammét, & sera comme sage qui en gardera pour l'année auenir: les vendenges de ceste année seroist bonnes & bien plantureuses en plusieurs païs. Au commencement d'icelles il ne sera proufitable se charger de vins car ils abellseront fort après que la vendenge sera passée, & sera bon s'en fournir pour garder longuement, car tels vins porteront acquest cōme entendrez en l'année suiuiante. La harengue son sera fort bonne, & le harenc pour estre bon sera bien requis. En ceste année sera le bestial fort proufitable à nourrir assauoir au Printéps, & en l'Esté, car il sera assez de bonnes herbes, & se vèdra le bestial en la fin de l'Esté.

*La quatriesme année du Ciecle Solcire  
gouuernée par la planette de Venus  
dicte Roses.*



V cours della quatriesme année le Printéps est froid & facheux à tous biens de la terre, l'Esté sera moyte greueux & mal proufitable à routes choses dont le corps humain est sustenté. Il sera de grandes inondations deaux qui causera la perdition de plusieurs biens terriens, l'Autonne sera fort contraire & incommode pour le labourage, l'Hyuer sera assez attempé au commencement, & à la fin plein de gelées & froidures. En ceste année sera petite venue de tous biens terriens qui sera grand pitié, Dieu veuille par sa sainte grace y remedier. Le blé sera bien cher, les auoy nes & orges semées en pauures terres, aurōt belle venue & r'apporterōt mieux que les autres, & sera bon encores qu'il plaise à Dieu que telle defaute n'aduienne, se four.

nir de bonne heure de prouision de grains, vins, & autres choses seruans pour la nourriture de l'home, craignant la cherté. Les vins de Grece, Prouence, Gascongne, Bourgongne, la Rochelle, Aniou, Sanxerre & Orleans, seront bons & profitables à acheter, car ils ne seront trop chers iusques à la fin de l'Hyuer, & les bons vins monteront à grand cherté: entre les vieux les nouveaux seront chers pour la moyteur du temps, par ce qu'il y en aura fault. Il fera beau trois semaines deuant la saint Jehan, & fera plus beau temps deuant la mi Aoust qu'après. Il sera assez de harées ceste année, toutefois il ne sera fort y bon employer son argent par ce qu'il n'y en aura gueres de droite saison. laines seront bonnes & porteront bon acquest. la draperie sera assez mal requise, principalement celle de grand pris, la moindre & plus basse aura meilleure requeste encores qu'elle ne soit par trop chere. Toutes couleurs cōme breuil, vuarenches, & graine, se tiendront toujours en vn estat. Au commencement de ceste année il fera bon acheter vuaides de quoy on fait le verd car ils monteront en grande cherté pour la faulte qu'il en sera. l'Esté les vuaides qui serōt labourés seront mal profités à tous ceux qui les auront fait labourer & curer, car ils les trouuerōt fauses, au moien de quoy toutes vicilles vuaides seront bien requises, & on fera bien s'en deliurer, car ils auront bone vente. les foins seront mauuais pour la moyteur de l'Esté. les orges serōt bonnes & y aura peu de veilles, mais il sera assez terre, de blé, & d'auoynes pour passer l'année: la saison de cueillir les blez sera mal profitable & nuisible, & tous biens de terre auront alors mauuaise saison. Il sera peu de blé & sera bien requis, les seig'es & merailons seront mal reuenants, & toutes sortes de grains monteront à haut pris depuis que l'Aoust sera passé. les vendenges seront mauuaises, & les vins de France & de Beauuoilin seront fort crus, & avec peu de force. les vins d'Au

terre seront chers encotes qu'ils ne soient que moienne-  
 ment bons. lesdies vins qui sont dessus nommez en la pre-  
 miere année du ciccle Soleire seront les meilleurs, & que  
 on boyra les plus volontiers, & porteront grand acquest  
 à tous ceux qui les acheteront au commencement de ven-  
 denges, car ils se védront bien puis après à la fin de l'Esté.  
 le vieil bestial abessera de pris, & sera mal prouficable à  
 garder, & aura mauuaise requeste pour cause que la char-  
 ne sera chiere bonne pour la moyteur qu'il aura fait du-  
 rant l'Esté. le ieune bestial se vendra bien, & sera bonne  
 en lette qui en achatera. ceste année il sera peu de fruits  
 de quoy pauures gens auront grande necessité, & se ven-  
 dront bien si peu qu'il y en aura, plaise à Dieu que le con-  
 traire puisse estre de ce que le ciccle Soleire nous menace  
 de uoir auenir lors que ceste année aura son cours, car  
 quand telle defaute & cherté de biens auient, c'est grand  
 ennuuy & tribulation au pauere peuple, & espouente-  
 ment aux laboueurs.

*La cinquiesme année du Ciccle Soleire gou-  
 uernée par la planete de Sa-  
 turne dicté Nués.*

**F**AISANT son cours la cinquiesme année  
 du ciccle Soleire, nous trouuons qu'en ceste  
 année le Printemps est ventoux & plein de  
 pluyes non toutefois trop dōmagesables aux  
 biens de terre, excepté que les fleus des riuères auront à  
 souffrir. l'Esté sera chaut & prouficable à tous ablais. l'Au-  
 tonne sera assez doux & un peu moyte, & ne durera long  
 téps. Il y aura belle venue de blez, auoyes, orges, & tou-  
 tes autres sortes de grains. Au cōmencement de ceste an-  
 née nous trouuons qu'il y aura faute de toute chose ter-  
 riennes, & sera le blé excessiuentement cher, & encherira

touſiours iuſques à ce que les nouveaux ſoient venus. Du  
rât l'Éſté le bon vin ſera cher & bien requis. Vins de ſaint  
Iehan, & de Grece, Prouence, Gaſcogne, Bourgongne,  
la Rochelle, Aniou, Sanxerre & Orleâs ſont les meilleurs  
& ſe vendront bien iuſques aux vendenges, ceux qui les  
mettront en caue feront leur dommage. Marchandiſe de  
laine portera peu d'acqueſt, car draperie aura mauuaiſe  
requeſte par ce que les chardons qui ſeront à faire drap  
rie auront ceſte année mauuaiſe venue, & pourcè à gran  
de cherté monteront en la fin d'celle, à cauſe que ceux de  
terre ſeront perdus & tournezz à faute généralement par  
tout. Marchandiſe de cuirs ſera chere & bien requiſe en  
l'Éſté en tous païs, les marchans qui les auront feront leur  
proufit de les vendre ſi toſt qu'ils ſeront tanez. les vuaides  
qui ſeront labourées ceſte année ſeront bones & vrayes  
de teinture, les premieres & ſecondes ſeront bonnes, &  
ſaiſonneront bien, & les fera bon acheter. En l'Éſté ceux  
qui les laboureront auront peu d'acqueſt, pour le grand  
nombre qu'il y en aura, car il en ſera beaucoup partout. Il  
ſera aſſez de bons foins & tous fourages ſeront à bon mar  
ché pour la planté qu'il en ſera, & y aura aſſez de regain.  
Enuiron la fin de l'Éſté abeſſeront toutes les eaux, qui ſe  
ra ſignifiante de bon temps, & bon marché de tous biens  
q'en ceſte année auront eſté cueillis. le moys d'Aouſt ſera  
muable, & les fromés yrais & bons; mais le petit blé fail  
lira en pluſieurs endroits: les froments ( par la grace de  
Dieu ) ſouſtiendront le peuple, car tout grain abeſſera en  
Autonne, & ſera bon acheter grain pour mettre en gre  
niet. l'auoÿne ſe vendra aſſez bien, car il n'en ſera point  
beaucoup. ceſte année vendenges ſeront aſſez bonnes, &  
ne ſera point bon acheter vins en vendéges, car ils ſeront  
à bon pris, & peu de gens boyront vin ceſte année par ce  
que le pauvre peuple aura ſouffert beaucoup l'année paſ  
ſée, & pour ceſte cauſe il s'en ſera mauuais charger. Ha  
rengueſon

rengrison sera bonne en plusieurs pais, & tombera plente de hirons en la coste de Flandres, ils serot à non marché & ne feront mauuaise emplette ceux qui y employeront leur argent. le bestial ceste année sera facheux à mettre hors de l'Hyuer. en ceste année sera defaute de fructs en plusieurs pais.

*La sixiesme année du Ciccle Solire gouvernée par la planete de la Lune dicté Soleil.*

**E**N la sixiesme année le Printemps sera vn peu moyte tant que le mois de Mars soit passé, puis est sec, & tresproufitable à tout ce qui en terre sera. En ceste année l'Esté sera au commencement vn peu moyte, puis sera chaud & sec. l'Autonne sera bien attempé, & l'Hyuer sera bien assisonné & hyuernagé puis que l'Esté sera entré. les biez abestierot de pris en tous pais, pour la belle venue de ceux qui sont en terre. Au commencement de ceste année les vins de Grece, Proience, Gascongne, Bourgogne, la Rochelle, Sanxerre, Anion & Orleans, seront assez chers, & si il y en aua assez competamment, & de bons par raison. Qui aura du vin qui le véle, le plus chultra mée q'il pourra ce pendant qu'il y sera bon, car si tost que le mois de juillet sera entré les vins abestieront tout a coup. Ceste année y aura grande quantité de sel, & sera à bon marché. Il sera beaucoup de laines, & bien reuznâtes, & seront cheres, car toute draperie se vendra assez bien. Toutes sortes de teintures seront bien marchandés, les vuides les premieres & les moyennes auront mauuaise teinture, & porteront acquist, les tierces aussi ne laisseront à porter bon profit encorés qu'elles n'ayent aussi bonne teinture. la saison du mois d'Avault sera bonne à tous biens terriens, car il sera

grand planté de tous grains, & serót les blez à tous païs, & si on en aura grand marché. Vendéges seront bonnes & bien plantureuses en plusieurs païs, & seront les vins à marché si tost que la saint Martin sera passée. Il y aura abondance de tous fruits bons & proufitables, & à bon marché. En ceste année sera la harengue son fort plantureuse & de bonne saison, ceux qui feront sortir leurs harées de la premiere prinse ne ferót leur proufit, car après la Toussaints on en prendra ti grand nombre en la coste de Flandres qu'ils abesseront fort de pris. Marchandise de cuirs se vendra assez competamment tout au long de l'année. En l'Hyuer de ceste année sera bon tenir bestial & nourriture, car les fourages seront bons, & en sera beaucoup & a bon marché. Il sera bon acheter auoyne en Hyuer pour le mettre en grenier, car bien employera son argent qui la pourra garder. Aussi y sera proufitable se fournir de boys car il sera cher cōme aussi le cherbon de pierre. à l'issue de ceste année se pourra bien esmouuoir graa des guerres en aucūs païs entre les Princes, dont le menu peuple & les clercs souffriront beaucoup, & sera de grandes occisions de gens.

*La septiesme année du (ieclc Soluire gouvernée par la planette de Mars dicté Gresle.*

**D**'A V T A N T que la septiesme année fait son cours qui est comparée à la premiere nommée Argét, encores que ceste année soit plus chere despuis que l'Esté sera entré que la premiere, au cōmencement du Printemps on fera bonne emplette d'acheter auoyne, car elle sera fort chere environ la saint Jehan; & s'en fera adonques bon deliurer. Quand le Soleil entrera au signe de Taurus

ron le my mois d'Auril, il fera bon acheter sel, & le porter hors du pais ou il se fait, car il portera si grand acquest en Hyuer qu'on y doublera son argent, par ce que pour la moyteur de l'Esté on ne pourra faire sel en plusieurs pais. Il fera bon ceste année acheter blez, d'autant qu'ils seront à grand marché, & les grains qui seront en terre auront mauuaise grencison, ils monteront en grande cherté entre les vieux & les nouueaux, & porteront letiers de nier d'acquest en l'espace de quarante iours. Quand le Soleil entrera au signe de Gemini, qui sera enuiron le mois de May, il fera bon acheter vins de Grece, Prouence, Gasconne, la Rochelle, Sanxerre, Aniou, & Orleans, & de tous autres vins qui se pourront garder iusques à l'Hyuer car le temps sera pluucieux & si facheux pour les vignes, que les vins vieux en monteront à bien grande cherté, & porteront vn tel acquest qu'on fera d'vn franc trois. En l'issue de Ianuier y aura de grandes neiges lesquelles causeront grandes inondations aux Villes, & sera enuiron le commencement de Feburier. Ceste année est au reste comparée à la premiere année, comme il est dit cy dessus. †

*La huitiesme année du Cicle Soleire gouvernée par la planette de Mercure dictte Coq.*



**Q**UAND la huitiesme année du cicle Soleire fait son cours en ceste année le Printéps est bien temperé, & proufite à tous biens de la terre. l'Esté est souple & bien assaisoné, car il n'est trop chaud, trop froid, ou trop moyte. l'Autonne sera moyte & venteuse & fera mauuais hanter la pescherie de la Mer lors que le Soleil entrera en l'escorpion vers la my Octobre. l'Hyuer sera fort hyuernagé & y aura de grandes neiges iusques à la fin de l'Hyuer, il sera

proufitable à tous ceux qui auront blez, & autres sortes de grains de les vendre, car tous biens qui seront en terre auront belle venue, & en tous pays, si qu'il conuiedra que les biens terriens viennent à basse vente. En ceste année seront les vins prests à boyre bien chers, assauoir les bons qui en voudra auoir. Vins de saint Iehan & de Grece, Pro uence, Gascongne, la Rochelle, Sa nierre, Aniou & Orleans seront les meilleurs: qui aura vins les vende au commencement du Printemps & il fera son proufit, car ils seront à grand marché l'Esté, & fuissonneront pour la grande planté qu'il en sera. ceste année le sel se vèdra fort cher & aura grande requeste, & s'en sera bon fournir pour l'hyuer, touttefois ne sera guere bon y faire grande emplette. Laine sera fort requise en l'Esté, & fera mauuais achat ce luy qui y employera son argēt, car draperie abessera fort. Si tost que l'Autonne sera entrée marchandise de cuirs fera proufit à qui s'en deschargera en Esté, car en Hyuer elle sera à meilleur marché pour la foison qu'il y aura. ceux qui feront faire vuades ceste année feront leur proufit, & toute sorte de teinture au commencement du moys d'Auril sera proufitable à acheter. Il sera bon acheter vuades en terre & les garder iusques à la fin de ceste année, car l'empiette y doublera. Le hernu qui sont trois sepmaines deuant & trois sepmaines après la saint Iehan, sera fort proufitable à meuir les grains, & sera fort bonne saison pour auoynes & pour toutes sortes de tremois, melines pour les vignes. Les vins que nous auons sus nômez en la premiere année du ciecle soleire seront bons & porterôt au cōmencemēt des vendenges, car ils seront alors à bon marché, & seront les vins qu'on boyra le plus volontiers lesdits vins sus nommez, en ladite premiere année du ciecle Soleire porteront grand acquest. En la fin de l'Hyuer il sera planté de bons fruits en plusieurs pays. Harengue son sera mal proufitable à ceux qui hanteront la Mer de  
puis

puis que le mois de Septembre sera entré. Il sera peu de harenc en ceste année. à l'issue de l'Esté le bestial sera mal requis & seront les chairs à bon marché encores que peu de gens nourissent bestial. En l'Autonne & en Hyuer sera bon acheter grains comm. metellon, seigle, pois, & febues, d'autant qu'en l'année suivante en laquelle Aigle neuuesime année du ciccle Soleilre fait son cours. Telles sortes de grains monteront à grande cherté ceste année. Il y aura allez de foins toute l'hoys il sera bien requis sus la fin de l'Hyuer pour le grand & long froid qu'il fera, à raison dequoy il se fera bon fournir de boys & herbes, car il fera tout mestier, & sera fort cher sus la fin de l'Hyuer, & pauures gens en souffriront beaucoup.

*La neuuesime année du Ciccle Soleilre gouvernée par la planete de Iupiter dicté Aigle.*



**Q**UAND la neuuesime année du ciccle Soleilre fait son cours, le Printemps est froid & muable, ne se fait propice pour les biens qui seront en terre, l'Esté sec & venteux, l'Autonne est moyte & peu stable en beauté, & l'Hyuer long assez bien sentant son hyuer. Au commencement de l'Esté il fera bon estre muni de grains, scauoir comme i'ay dit en l'année precedente de metellon, seigle, pois & febues, car des que la mi-Mars sera passée ils encheriront tousiours iusques aux nouveaux, & monteront à grande cherté pour y en auoir faulte en plusieurs pais, qui sera grande pitié pour le pauure peuple. Nous trouuons que la cherté des grains qui viēt en l'année neuuesime du ciccle Soleilre est à cause de la constellation de Mercure qui ha aucune puissance sus les biēs de terre croillans en ceste année. qui aura grains les vende sus la fin du mois de May sans plus temps.

poriser car pour sa grand cherté on ne donnera temps de  
mourir à vne partie de ceux qui seront en terre, ioinct que  
l'Aoust sera fort hatif, & pource tout à vn instant abesse-  
ront de pris toutes sortes de grains. Les vins que nous a-  
uons sus nommez en la premiere année du ciecle Soleire  
qu'on boyra en Esté seront fort bons, neantmoins chers,  
& ne s'en fera bon deliurer encores qu'ils porteront ac-  
quest iusques à ce que commēcent à venir les nouueaux,  
car ils porteront tousiours proufit de plus en plus. Il se fera  
ceste année beaucoup de sel, toutesfois il ne sera proufita-  
ble à acheter pour garder longuement. Ceste année il sera  
assez de laines, & bien reuenâtes, & seront a bon marché  
toute l'année, par ce que la draperie ne sera fort requise,  
principalement celles de haut pris. En ceste marchandise  
de cuirs abessera fort à cause de la cherté du grain, & y en  
aura à foison, car on mangera beaucoup de chairs sur le  
Printemps & au commencement de l'Esté. En plusieurs  
païs il sera bon acheter boys & chertbon, foin, & toutes  
sortes de fourages, car ils ferōt necessité en Hyuer, & sera  
sage qui y pouruira. Ceste année il sera grand planté de  
vuides en tous païs, & feront mal leur proufit ceux qui  
les auront fait labourer, car ils seront bien couteuses à la-  
bourer, & toutesfois ils seront à bien grand marché, enco-  
res qu'elles soient bonnes, & feront bonne emplette les  
marchands qui y mettront leur argent. En ceste année se-  
ra grande quantité de foins, & de toutes sortes de foura-  
ges, neantmoins pour cause de la continuation de l'Hy-  
uer il sera cher comme dit est. Le hernu sera bien sec &  
proufitable à tous grains, & aux vignes. l'Aoust sera hatif  
& feront les blez bons & bien reuenants à la mesure. le  
grain sera plus cher deuant Noel qu'après. les vendenges  
ceste année seront bōnes en tous païs, & sera proufitable  
acheter vins en vendenges, & principalemēt es lieux que  
nous auons sus nommez en la premiere année du ciecle

Soleire

Soleire, que pour la grande quantité qu'il y en aura en tous pais & de bons. Ils ne porteront pas trop d'acquest lesdits vins que nous auons sus nommez, en ladite premiere année du ciccle Soleire seront assez bons & seront ceux qu'on boyra les plus volontiers. la harengue son sera bien plantureuse ceste année, & seront les harengs bons, les pescheurs feront plus leur prouffit que les marchands, car il ne sera bon d'en acheter par trop, par ce que pour la grande quantité ils viendront à bon marché. Il sera grande faute de fruits en plusieurs pais. à l'issue de l'Autonne les chairs seront cheres, & haufferont tousiours iusques après Pasques qu'ils viendront à plus moderé pris.

*La dixiesme année du Ciccle Soleire gouvernée par la planette de Saturne dicté Neiges.*



**L**'AN de la dixiesme année du ciccle Soleire toutes euaes douces commencent à beiller en plusieurs pais, & se sechent les sources d'aucunes fontaines, qui signifie abondance de biens terriens. le Printemps sera bien attempé iusques à ce que le Soleil entre au signe de Taurus, enuiron le mi moys d'Auril, & depuis sera vn peu froid & veteux. l'Esté sera chaud avec tonnerres, & sera de grandes pluyes fort mal prouffitables à plusieurs biens terriens, mesmes à les recueillir, aussi puis après à les labourer. En ceste année il ne sera nulles longues gelées qui puissent nuire aux biens de la terre, & n'auront les froidures longue durée, toutes fois seront bien aspres, & y aura de grâdes neiges lesquelles ne causeront pourtant desbordemens d'eaux trop excessifs. Au cōmencement du Printéps ne sera bon acheter blez pour les longuement garder, car tous grains abesleront à la venue des nouveaux qui viendront, & bons en grande

grande abondance. En ceste année sera foison de vins prests à boyre, & seront à bon marché, & vendront en Esté à bien basse vente en tous pais, & ne fera bon y mettre son argét pour y penser proufiter. Il sera grand' abondance de sel qui sera à bon marché tout au long de l'année & de celle ensuyuât. Marchandise de laines sera profitable à acheter, scauoir deuant qu'ils soient escoulées, & bien fort bonne y fera l'emplette. Il ne fera fort bon acheter cuirs l'Esté, encotes qu'ils soient à bon marché, car puis après ils n'encheriront de guere. Toute marchandise de drap sera à bon pris d'autant qu'il y aura paix entre les Princes Chrest. es, & qu'on pourra aller seurement partout. Toutes sortes de teintures viendront à bon marché. Les vuaides qu'on fera ceste année porteront peu de proufi. à ceux qui les feront cultiuer, car il n'en sera guere de bonnes, & seront les meilleures celles qui se cueilliront deuant la mi Aoust. Il sera grand marché de foins & fera bon en acheter en Esté à les garder pour l'Hyuer. Ceste année il y aura assez competamment de blez. il sera moderemēt des fruits. Les vendenges seront moïennes, & seront les vins que nous auōs sus nomméz en la premiere année du ciecle Soleire les meilleurs & ceux desquels l'on boyra le plus volontiers, & les fera bon acheter en vendenges, car depuis estre parez, estant connue leur bonté ils encherirōt. Les vins d'Auxerre seront assez bons, aussi ils seront fort chers en vendēges, & n'y aura tant de proufi q̄ sus lesdits vins q̄ nous auōs sus nomméz, en ladire premiere année du ciecle Soleire seront bien bons, & feront bone emplette ceux qui y mettrōt leur argét. Marchandise de harées sera bien chere durant la harégueson, & ne fera bon s'en charger, par ce qu'ils seront à bon marché au temps de la deliurance il y aura plusieurs marchands qui y seront abusez. Ceste année fera bon tenir bestial puis que les fourages seront à bon marché, & sera abondance de toutes sortes de grains.

grains. Il y aura paix entre les Princes, qui rejoindra grandement le pauvre peuple qui aura este fort travaillé.

*L'vnziesme année du Cicle Soleire gouvernée par la planete de Sol dicté Vent.*

**E**N l'an de l'vnziesme année du cicle Soleire le Printemps est facheux à vne grande partie des biens terriés, & en plusieurs païs, iusques à ce que le Soleil entrera en Cancer enuiron le 15 du mois de Iuin, & après sera chaud & venteux, entreuillé souuēt de petites pluyes & continuera ce temus le reste de l'Esté. l'Autonne se sentira aussi des pluyes. l'Hyuer sera bien hyuernagé, & sera de grandes neiges & froidures. en la fin de l'Hyuer il y aura delbordement des eaues bien excessifs, qui feront de grans dommages aux vallées quasi vniuersellement par tout le monde, Dieu vüelle garder son pauvre peuple de tels sinistres aduenemens. Toute ceste année le blé sera à pris raisonnable encorés qu'il face bon s'en deliurer qui en'aura, par ce qu'il ne sera point plus cher que l'année suivante. Au commencement du Printemps sera bon acheter auoyne & pois, car tous tremois porteront acquest à ceux qui les garderont iusques à l'Esté, & les tremois qui seront en terre auront mauuaise venue & grande nécessité en sera. ceste année les blez ne serōt fort beaux, & y en aura faulte en quel que païs. Il sera bon en Esté se fournir de bois & cherbon car il sera bien cher en Hyuer pour cause de la longue durée. Marchandise de laine sera bien requise, & en sera grande quahité, toutesfois elles ne tiendront point bien à pris. En Esté draperie se vëdra bien, car il n'en sera point beaucoup. Il sera bon acheter en Esté chardons à faire draperie, car en Hyuer ils se vendront fort bien ceste année. En la fin de l'Éc toutes sortes de teintures se vendront assez bien, il n'y'aura point beaucoup de premieres vuaides

mais les secondes & les tierces viendront fort bien, & y en aura abondance, & seront les iettons bons. Il y aura ceste année quantité de foin, & en fera bon acheter en l'issue de l'Esté, car en Hyuer il encherira de beaucoup. Ceste année il sera plus de blez que de nuls autres grains, il ne sera gueres de fruits, la vendenge sera assez plantureuse toutesfois pour cause des pluyes les vins seront verds & bien cruds. Les vins de France & Beauuoisin & autres vins des montaignes ne seront gueres bons ceste année, & les autres vins que nous auons sus nommez en la premiere année du cycle Soleire ne seront aussi par trop forts, mais seront bons pour boyre en Esté, qui en aura fera son profit: les vins que nous auons sus nommez en ladite premiere année plusieurs d'iceux ne porteront grand acquest, car ils ne seront de trop bonne bouillon, & y aura plusieurs gens les achetans durant les vendenges lors qu'ils seront à bon marché, car si tost qu'on aperceuera lembonté ils encheriront & monteront en grand pris. Il sera quantité de harencs vers la coste de Calais, & fera bon en acheter deuant la Toussaints, car puis après ils porteront bon acquest. Le bestial sera de grand coust à tenir l'Hyuer parce qu'il sera facheux & long.

*La douziesme année du Cycle Soleire gouvernée par la planette de la Lune dicte Paon.*



**A** N T. son année du cycle soleire nommée Paon, qui est en la 12, est du tout semblable à la 6, de laquelle est parlé cy deuant; il auient en ceste année que depuis que l'Esté est entré tous biens terriens qui en terre croissent sont de belle venue, & sera grande abondance de tous biens, & y aura de bons vins & à grand planté, & faut remerciat Dieu tout puissant

puissant de cedit bien. Ceste année est au reste semblable à la 6, comme il est dit, sinon que ceste icy est tousiours vn peu plus moite. La douziesme année est plus precieuse & pleine de tous biens que toutes autres, car ainsi que le Soleil est la plus belle & noble planette que les autres, ainsi est le ciecle Soleire de la douziesme année.

*La treziesme année du Ciecle Soleire gouvernée par la planette de Mars dicté Tigre.*



V A N D l'année treziesme fait son cours elle est comparée à la 7, nommée Gresse, de laquelle est faite mention cy dessus, & est à scauoir que tous biens seront à bon marché en tout païs au commencement de ceste année, mais si tost que les iours cōmenceront à r'acourcir & le Soleil à abeser alors cōmenceront tous bien à encherir, & monterōt en grande cherté iusques à ce que l'Hyuer soit passé. on fera son proufit de se garnir de bon vin & fromēt au cōmēcemēt del'Esté, car tous biens seront alors à bon marché.

*La quatorziesme année du Ciecle Soleire gouvernée par la planette de Iupiter dicté Samye.*



A I S A N T son tour la quatorziesme année le Printemps est bon & bien natif pour faire croistre les biens de la terre. l'Esté sera chaud avec quelques pluyes. l'Autonne sera moite & bien facheux pour semer les blez. l'Hyuer sera bien hyuernagé, & sera de grandes gelées iusques à la fin, & au commencement de ceste année toutes semences seront couteuses & bien requises, & feront bien ceux qui auront auoynes & autres tremois de les vendre, car alors

ils feront leur proufit, & les gardant ils feront leur grand  
 dommage. Tous blez serôt proufitables à garder iusques  
 à l'Ellé. les vins qu'on boyra au Printemps & en Esté se  
 vendront fort bien, & seront chers en tous païs iusques  
 en vendenges. les vins que nous auons dit en la premiere  
 année du ciecle Soleire serôt les meilleurs sus tous les au-  
 tres. qui vin aura le vende en Esté pource qu'il fait bon se  
 deliurer de cherté & l'exploiter le plustost que on pou-  
 ra. La marchandise de sel sera bien requise en Esté & sera  
 bien cher, & pource qu'il ne portera guere d'acquest d'au-  
 tant qu'il ne encherira. La laine sera de bon proufit, & si  
 sera bien requise des marchans: qui en aura qui la vende  
 au commencement de l'Esté, car sur la fin d'iceluy elle a-  
 bessera bien fort, & en Autonne elle sera de mauuaise re-  
 queste par ce que la draperie abessera à la fin de l'Esté. En  
 ceste année on fera de grandes plantes de vuaides, & en  
 plusieurs païs, & seront couteuses à labourer, & auront  
 basses ventes. Durant l'Esté il fera bon acheter bois, car  
 l'Hyuer sera bien temperé, & les foins & fourages durant  
 iceluy encheriront tousiours iusques à ce qu'on en aye de  
 nouveaux. l'Aoust sera fort proufitable à recueillir les  
 grains, & y en aura quantité, & seront les blez proufita-  
 bles à garder iusques à l'Hyuer, ils monterôt à grand cher-  
 té, & seront bonne emplette ceux qui les acheteront en  
 Autonne si tost qu'il viendra à marché, principalement  
 les menus grains comme seigles & mezeillons, car le pe-  
 tit blé portera à l'auenir plus d'acquest que le bon blé.  
 Ceste année le bestial sera couteux à tenir pour le long  
 hyuer qu'il sera, & il ne sera point beaucoup de fruits. la  
 marchandise de cuirs fera proufit l'acheter en Esté  
 pour la garder & vendre en hyuer, car alors  
 elle sera bien chere, & sera bon ac-  
 quest s'en deliurer.

La

*La quinzième année du Cicle Soleire gouvernée par la planete de Venus dicté Syne.*



**L'ANNEE** quinzième le Printemps est froid & auront toutes choses qui en terre croistront petit avancement iusques à la fin du mois de May. l'Esté sera bien vmbreux & pleura iusques enuiron le mi mois d'Aoust. l'Autonne sera moyte & venteux, mais l'Hyuer sera bien attrapé, & ne sera nulles grandes froidures. Au commencement du Printemps on fera bonne emplette à acheter blez, car toutes sortes de grains seruants pour la nourriture du corps humain, seront bien chers en tous païs iusques à ce que Aoust sera entré. les vins que on boyra en Esté seront bons & viendront à raison sur les vendenges, ceux qui les mettront en caue ils feront assez bien leur proufit en Esté. Il sera assez de laines & bien reuenantes à pris, l'empette y sera bonne & proufitable. Marchandise de draps sera bien requise & bien chere en tous païs, les cuirs se vendront bien durant l'Esté, qui en aura fera son proufit de les vendre alors, car puis après ils abesseront de pris. Il ne fera bon se charger de foin ne de fourage en Esté, car en tous païs ils seront à bon marché durant l'Hyuer. Toute sorte de teinture sera chere en Hyuer, & s'en fera bon pouruoit par ledit temps. les labourages des vuides seront bons, car ceux qu'on fera ceste année seront de bonne teinture, mais les vuides les premieres & secondes seront meilleures que les tierces. le henu sera bien proufitable pour meurir les grains & saison de l'Aoust fort propre encotes qu'elle soit tardifue. les blez seront bons & vrais & bien reuenans à gerbe, & seront chers en Autonne & en Hyuer, qui aura du blé fera bien de le vendre deuant Noel, car autrement il fera son grand dommage. Les vendenges seront tardifues, mais il sera grande plante de vins en tous païs.

En ceste année ne sera beaucoup de fruits mais ce qu'il y en aura sera bon & de garde. La harengueson sera ceste année en la coste de Grauelines, & sitost q̄ la Toussaints sera passée il sera peu de harencs en tout païs, & seront surprins les marchans qui attendront ceste saison, ceux qui se hasteront d'acheter les premiers seront les mieùx assurez & feront bonne emplette. Sus la fin de l'Esté & en Autonne sera bon acheter ieunes bestes pour nourrir en Hyuer, car elles seront couteuses à nourrir & pour tant seront à bon marché, & puis elles encheriront à la fin. Tous vins & grains abesseront ceste année.

*La sesiesme année gouvernée par la Planette de Saturne dictée Vega.*



ORS que du cours de la sesiesme année du ciecle Solcire elle est toute semblable à celle en laquelle s'apelle Neiges fait le sien, qui est la dixiesme année mentionnée cy dessus.

*La dixseptiesme année gouvernée par la planette de Sol dictée Or.*



E GNANT la dixseptiesme année du ciecle Solcire elle est totalemēt comparée à l'année nommée Vent, qui est l'vnziesme de laquelle est parlé cy deuant.

*La dixhuitiesme année gouvernée par la planette de Mars dictée Fer.*



A dixhuitiesme année est tousiours toute pareille & semblable à celle nommée Gresse cy deuant escripte, qui est à la septiesme, laquelle ne nous promet fort bonne année, Dieu y remediera s'il luy plaist.

*La dixneuuesme année gouvernée par la  
planette de Mercure dicté Singe.*



A dixneuuesme année est toute semblable à la seconde cy dessus nommée Rigil, & nous trouuons par nos points ocults & secrets de de nostre philosophie oculte & secrette, que ces deux années ne discordent iamais.

*La vingtiesme année gouvernée par la  
planette de Iupiter dicté Ours.*



A vingtiesme année sera toute conforme à la troisieme appelée Ciel fera bon sur toutes d'acheter vins & grains, & en la saison la ou nous en auons parlé en ladite troisieme année, par ce que en grande cherté monteront en l'issue de l'Hyuët pour la mauuaise venue des blez q seröt en terre.

*La vingt uniesme année gouvernée par la  
planette de Venus dicté Merle.*



F A I S A N T son cours la vingt uniesme année nommée Merle, l'année est compatee à la neuuesme cy dessus declarée appelée Aigle tous grains seront chers au commencement de ceste année, & viendra vne grande cherté à vn instant & en tous païs, dont le pauvre peuple sera fort espouuente; & sera le grain en la plus grande cherté vers le mois de Feburier, & feront leur grand proufit ceux qui auront des grains de les vendre au comincement du Printemps autrement ils feront leur grand dommage, car puis que le Soleil entre en Taurus, qui est enuiron le mi mois d'Auril les blez auront le temps fort propre, qui sera cause que les grains besseront de pris de plus en plus. En approchant la saison de l'Aoust les auoynes se vendront assez

En ceste année ne sera beaucoup de fruits mais ce qu'il y en aura sera bon & de garde. La harengueson sera ceste année en la coste de Grauelines, & si tost q̄ la Toussaints sera passée il sera peu de harencs en tout pais, & seront surprins les marchans qui attendront ceste saison, ceux qui se hasteront d'acheter les premiers seront les micux assurez & feront bonne emplette. Sus la fin de l'Esté & en Autonne fera bon acheter ieunes bestes pour nourir en Hyuer, car elles seront couteuses à nourir & pour tant seront à bon marché, & puis elles encheriront à la fin. Tous vins & grains abesseront ceste année.

*La sesiesme année gouvernée par la Planette de Saturne dictée Vega.*



ORS que du cours de la sesiesme année du ciecle Soleire elle est toute semblable à celle en laquelle s'apelle Neiges fait le sien, qui est la dixiesme année mentionnée cy dessus.

*La dixseptiesme année gouvernée par la planette de Sol dictée Or.*



EGNANT la dixseptiesme année du ciecle Soleire elle est totalemēt comparée à l'année nommée Vent, qui est l'vnziesme de laquelle est parlé cy deuant.

*La dixhuitiesme année gouvernée par la planette de Mars dictée Fer.*



A dixhuitiesme année est tousiours toute pareille & semblable à celle nommée Gresse cy deuant escripte, qui est à la septiesme, laquelle ne nous promet fort bonne année, Dieu y remediera s'il luy plaist.

*La dixneufiesme année gouvernée par la  
planette de Mercure dictte Singe.*



A dixneufiesme année est toute semblable à la seconde cy dessus nommée Rigil, & nous trouuons par nos points ocults & secrets de de nostre philosophie oculte & secrette, que ces deux années ne discordent iamais.

*La vingtiesme année gouvernée par la  
planette de Iupiter dictte Ours.*



A vingtiesme année sera toute conforme à la troiliesme appelée Ciel fera bon sur toutes d'acheter vins & grains, & en la saison la ou nous en auons parlé en ladite troiliesme année, par ce que en grande cherté monteront en l'issue de l'Hyuët pour la mauuaise venue des blez q serôt en terre.

*La vingt uniesme année gouvernée par la  
planette de Venus dictte Merle.*



F A I S A N T son cours la vingt uniesme année nommée Merle, l'année est comparée à la neufiesme cy dessus declarée appelée Aigle tous grains seront chers au commencement de ceste année, & viendra vne grande cherté à vn instant & en tous pais, dont le pauvre peuple sera fort espouuente; & sera le grain en sa plus grande cherté vers le mois de Feburier, & feront leur grand proufit ceux qui auront des grains de les vendre au cominècement du Printemps autrement ils feront leur grand dommage, car puis que le Soleil entre en Taurus, qui est enuiron le mi mois d'Avril les blez auront le temps fort propre, qui sera cause que les grains besseront de pris de plus en plus. En approchant la saison de l'Aoust les auoynes se vendront assez

bien. Tout au long de l'année laines seront assez cheres  
 comme aussi sera toute sorte de draperie. Tous cuirs abes  
 seront en Esté. les vuaides qu'on fera ceste année seront  
 assez bonnes, & porteront grand acquest à ceux qui les  
 feront acouter. En ceste année sera grand planté de vins  
 François & d'Auxerre prests à boire, qui aura de ces vins  
 qu'il les vende au commencement de l'Esté, & il fera son  
 prouffit, d'autant qu'ils ne seront les plus forts, & alors ils  
 se vèdront bien. les vins que nous auens sus nommez en  
 la premiere année du ciccle Soleire seront les meilleurs  
 & les plus prouffians à garder pour vèdre entre les vieux  
 & les nouueaux. La saison de l'Aoult sera prouffitable, &  
 seront les grains bons & vrais & bien reuenants à la ger-  
 be, mais il n'en sera pas beaucoup. Le blé se vendra bien &  
 aura grand requelte après Aoult & en Autonne & feront  
 tous ceux qui auront blez leur grand prouffit de les vèdre  
 hapiueniét, d'autant qu'en la fin de l'Hyuer ils abessieront  
 de pris, tous tre mois se vendront chers longue espace de  
 temps. Les vendenges seront hapiues, & sera assez de vins  
 en tous pais, & autres sortes de biens, desquels la neuuiel-  
 me année cy dessus fait mention.

*La vingtdeuxieme année gouvernée par  
 la planete de Sol dicté abf.*

**D** V R A N T l'année que la vingtdeuxieme  
 du ciccle Soleire ha son tour le Printemps est  
 beau & prouffitable à tous biens qui en terre  
 croissent. Les eues abessieront & seront peti-  
 tes en plusieurs pais, & l'abessierment des eues est toujours  
 auertissement d'abondance & bon marché de tous biens  
 tetriens. l'Esté sera fort beau & propice pour toutes cho-  
 ses l'Hyuer sera bien hyuernagé, & y aura de grâdes nei-  
 ges. les blez qui seront en terre auront fort belle venue,  
 qui causera que le blé abessiera fort de pris. Au commen-  
 cement

ement de l'Esté seront les vins assez chers & si en sera de bons par raison: qui vins aura qui les vède en Esté le plus tost qu'il pourra & il fera son proufit, car ils abesseront fort depuis que le henu sera entré, & serót alors à grand marché pour la belle venue des nouveaux en grand nombre & bons. Laines seront bonnes, toute fois elles seront cheres. Marchandise de cuirs aura mauuaise requeste, car il en sera beaucoup en tous païs. Il sera grand planté de vuides en terre & hors, & seront à bon marché, il sera bon y faire emplette sus les moyennes & sus les tierces, car ils seront bonnes & porteront acquest. Il sera bon acheter fourages pour l'Hyuer, car ils seront à bon marché en la saison & feront proufit puis après. l'Aoust sera hatif & y aura competammét de bons blez & de tous grains, ceux qui en auront feront leur proufit de les vendre en Automne le plus tost qu'ils pourront, autrement ils ne feront leur proufit. les vendenges seront bonnes & hatives en tous païs, & seront à fort bon marché. les fruits seront plantureux en tous païs. Harenes seront bons & fera bon les acheter en la coste de Flandres deuant la saint Martin d'Hyuer, car puis après il fera fort mauuais pescher. En ceste année il y aura beaucoup de bonnes chairs, & le bestial sera bon, mais il coutera bien à l'Hyuer par ce que les fourages seront chers, & qu'il y aura beaucoup de neiges & verglas, & sera de grandes & extremes foidures. Se sera chose proufitable d'acheter chardons qui seruent à faire draperie, car ils monteront à grande cherté auant que les nouveaux soient labourez. ceste année est au reste à comparer à la cinquiesme cy deuant.

*La XXIII. année gouvernée par la planete de la Lune dicté Pluye.*



LA XXIII. année est semblable à la sixiesme cy dessus mentionnée, & est à noter que quand ceste

année nous vient il ne faut penser auoir necessite d'aucū  
biens terriens en plusieurs prouinces de l'Asie, & de l'Afri-  
que, & de l'Europe, & ne scautions cōparer ceste année à  
autre qu'à celle q̄ nostre seigneur enuoia aux enfans d'Is-  
raël, de laquelle la fertilité fut si grāde de tous biens q̄ tou-  
le peuple qui estoit affamé en fut rassasié, & avec surplus  
pour les années luyuantes, & sera en plusieurs prouinces.

*La XXIII. année gouvernée par la  
planette de Mars dictē Cheual.*



**Q**UAND l'année 24 regne elle est toute sem-  
blable à la septiesme cy dessus. En ceste année  
en la fin de Ianuier il y aura si grand desborde-  
ment d'eaues qu'ils porteront tel dommage  
que ce sera grande pitié.

*La XXV. année gouvernée par la pla-  
nette de Mercure dictē Chien.*



**O**R S que fait son cours la 25 année du cie-  
cle Soleil, l'année est du tout semblable à  
celle qui fait le sien la 14 année dictē Samye.  
Au cōmencemēt de ceste année il fera cherté  
de plusieurs biens comme de vins grains, sel, laine, dra-  
perie, toutes couleurs, & toute marchandise de pois, & ce  
fera au commencement du Printemps, ils fera bon que  
ceux qui en auront le vendent au Printemps & y feront  
leur proufit, & il fera bon aussi acheter foins & fourages  
en Esté & Automne, car ils serōt fort chers à la fin de cette  
année. La saison de l'Aoust sera bien proufitable, grains  
seront bons & vrais, & de bonne garde, & feront grand  
proufit à ceux qui auront le moien de les garder. Venden-  
ges seront bonnes en tous pais, & sera competammēt de  
tous biens & à bon estat durant l'Autōne & Hyuer, com-  
me il est dit en la quatorzieme.

*La XXVI. année gouvernée par la planete de Venus dict'e Bouc.*



**A**YANT son cours la 26 année le Printemps est facheux à plusieurs biens terriens, & sera belle venue de blez & tremois au commencement de l'Esté d'autant que la saison sera froide, & les terres seront si fort couuertes, que la chaleur ne pourra penetter iusques en terre, faisant toutiours force rousée, qui entretiendra les blez iusques à la fin de l'Esté, qui causera que l'Aoull sera vn peu tardif. Tous grains seront bons & bien reuenans. au reste ceste année est semblable à la quinziésime année nommée Syne, cōme l'on void cy deuant.

*La XXVII. année gouvernée par la planete de Saturne dict'e Merlin.*



**N** l'année que domine la 27 année du ciecle Soleire est acomparee à la 16 nommée Vega cy dessus mentionnée. En ceste année le Printemps sera chaud & bien sec, & sera grande abondance d'eaues douces, qui n'est à autre signification que de tous biens terriens, & que ils seront à bon marché deuant que l'année soit finie, ainsi qu'il plaira à Dieu.

*La XXVIII. & dernière année du ciecle Soleire gouvernée par la planete de Sol dict'e Azur.*



**L** nous est tesmoigne par l'oculte philosophie que quand la dernière année fait son cours le Printemps est bon & bien atrempé & proufiable à tous biens terriens, l'Esté sera sec & bien atrempé, iusques enuiron la fin qu'il se

sentira d'un peu de pluies, l'Autonne sera assez profitable à plusieurs biens, l'Hyuer sera bien hyuernagé deuant Noel & en l'issue de Ianuier. Il sera fort bone année pour toutes sortes de biens terriens. Durant l'Esté tous biens seront à bon marché en tous païs. Les vins de France & autres vins de montagnes ils sont bien legers & ils seront de bonne boisson pour le Printemps & en Esté, & seront tels qu'ils passeront les vins que auons nommez en la premiere année du ciecle Soleire, comme vins de Grece, Prouence, Bourgongne, Anjou, Orleans, Gascongne & Languedoc: il sera bon de acheter desdits vins de France & montagnes & païs leger, pour en vendre en ladite saison. Marchandise de laine sera chere & bien requise de tous marchans & se vendra bien en tous païs, & feront profit ceux qui en auront de la vendre en Esté, car les laines & toutes sortes de draperie abesseront en Autōne & en Hyuer. Toute marchandise de cuirs sera à bon marché au commencement de ceste année, & feront bonne emplette ceux qui en acheteront l'Esté. Les vuaides que lon fera labourer ceste année seront de bonne teinture, & fera bien son profit qui en achetera ceste année. Il n'y aura gueres de bons foins ny de bons fourages, & pource ne fera pas bon s'en trop charger. l'Aoust muable toutesfois il sera beaucoup de grains, mais il y en aura partie qui serōt durs, & sera allez d'auoyne & de pois. Les vendenges seront bonnes, & seront les vins que nous auōs icy sus nommez de Grece, Prouēce, Auxerre, Orleans, la Rochelle, Montauban, Gascongne, Poitou, Bourgongne & Auignon, seront les meilleurs & porterōt grans acquests à tous ceux qui les garderont iusques à l'autre année. Il sera en ceste année des fruits competamment, & profitables. La harengue son sera bonne en la coste de Flandres, & seront les harenes bons & de bon marché, tant comme les harenes dureront il sera bon emploier son argent à les faire  
sortir

sortir. Tout bestial sera fort cher & de bonne requeste en Esté, il s'en fera alors bon deliurer qui en aura, car ils seront chers à tenir en Autonne, & durant l'Hyuer.

Icy finit la 28 année du ciccle Soleire.

Il est besoin (comme dit est cy deuant) tourner commencer à la premiere, & aussi tousiours recommencer iulques à perpetuité, avec prieres que nous ferons au grand Dieu qui ha crée le ciel, la terre, & les luminaires, & les tenebres, & les quatre elements par lesquels les creatures de la terre ne scauroient viure sans la grace de Dieu, & nourriture desdits quatre elements, pour ce que la terre ne porteroit nul fruit, il n'y auroit poin de lumiere sus la terre, bref pour conclusion il ressembleroit tout comme vn abisine.

**A**DVERTISSEMENT aux Lecteurs, que nous auons regardé avec toute curiosité de vous faire participans de quelque scauoir qui soit à vostre bon prouffit. l'ay recherché tant en Grece qu'en Sicille, qu'aux Italies, és Allemagnes, en France, Angleterre, Portugal & Espagne, par la on trouue plusieurs qui ont escrit de ce Ciccle Soleire different l'vn de l'autre, ou pour leur negligence, ou ne le scauoir point, ou pour la sottise de leurs imprimeurs qui veulent scauoir aucunesfois plus que les auteurs, & dernièrement l'an 1571, le Roy & la Royne estans dans le chasteau de Boulongne, moy estant dans la chambre de ladite Royne de France, ie veis entrer vn George Guiriny Allemand, qui disoit qu'il auoit cōposé des liures qu'il portoit à la main, disant la 28 année du ciccle Soleire: moy i'en prins vn entre ses mains: & dauantage la Royne fille del'Empereur me r'enuoia le sien q̄ ledit auteur luy auoit baille, pour le regarder & en dire mon aduis au Roy & à ladite Royne: & par la nous auons veu vn grand nombre infini de fautes dedans ledit liure, ne voulant

**L**ant point dire si sont venues par la négligence dudit au-  
cteur, ou par la superbe arrogance de l'imprimeur & du  
graveur qui ha graué la roue des vingthuit maisons dudit  
ciecle Solere, laquelle nous trouuons mal faite, & moy  
comme Astrologue du Roy de France & suiuant l'aucto-  
rité que nous auons de sa Magesté, nous auons corrigé le  
dit liure & mis en autre façon de faire, & cōmande qu'il  
soit imprimé d'une autre façon, par tout son royaume, &  
dans les terres du duc de Sauoye, tāt de de la monts que de  
deça les monts, & de mesme au royaume d'Angleterre, &  
en tous les pais de Turque, suiuant l'auctorité & licence  
que j'ay des Princes estrangers que nous auons nommez  
aux lecteurs salut. Pour la cause de la rotondité du ciecle  
liure se pouroit ue quelqu'un adiouster & diminuer, c'est  
pour le changement d'air & pais. Outre ce les Pronosti-  
cations que nous vous auons baillées icy deuant par-  
lant du Soleil & de la Lune, pour montrer quel  
temps il doit faire, c'est vne chose seure &  
contient verité, & en tout pais  
de ce ciecle.

Donné en la cité de Messine au royaume de Sicille  
ce 17 de Iuin 1572 priant en toute humi-  
lité le lecteur prendre ledit liure  
en bonne part.

**F I N.**



A Messieurs de la Justice de Lyon  
Archidamus Astrologue  
du Roy, S.

Doctes seigneurs qui vray droit & Justice  
En ce Lyon exerçans faites qu'issie  
De luy tout vice en luy gardant le bien  
N'élarien de luyis e, qu rien  
Ne souffriront de mal entrer en Lice  
Sans ce, voir. & faire qu'il parisse  
D'enre le bien, remuneras, e les b. ns,

Doctes seigneurs.

Entre. Pa ier, de 'a Plume exer. isse  
Plus ob. servé, nes auroi quoy qu'il ai e  
En eserivant dire du Ciel vos do. s.

Doctes seigneurs.

Lors le voyant ma Plume quoy que sisse,  
Jamais n'ay peu cesser que n'e. crivisse  
Ded. ns Lyon, non pour certain les. ns  
De vos vertus & louables fa. ons  
Poëte n'est qui e fait accomplisse,

Doctes seigneurs.